

**Aalisarnermut, Piniarnermut Nunalerinermullu Naalakkersuisoq**  
**Landsstyremedlemmet for Fiskeri, Fangst & Landbrug**  
**Minister of Fisheries, Hunting & Agriculture**



Inatsisartunut ilaasortaq Ane Hansen, Inuit Ataqtigiit  
MAANI

**Naalakkersuisunut, Great Greenland A/S-ip puisit amiinik 160.000-inik tunisaqarsinnaannginnera aallavigalugu, Aalisarnermut, Piniarnermut Nunalerinermullu Naalakkersuisup KNR-imi aallakaatitami "Nunarput ullumi"-mi 18. marts 2009 paasissutissiinera tunngavigalugu apeqqummut nr. 32-mut akissut.**

Naalakkersuisoqarfimma naalakkersuisunut Great Greenland A/S-ip (GG) puisit amiinik tuniniaaneranut tunngatillugu oqaaseqaatinnut apeqquqaatitit 20. marts 2009 tiguai.

*1) Naalakkersuisut Great Greenland A/S-ip puisit amiinik tunisaqarsin-naannginnera aallavigalugu, Aalisarnermut, Piniarnermut Nunaleriner-mullu Naalakkersuisup paasissutissiinera tunngavigalugu, Kina-miut Russillu puisit amiinik pisinaraluarsimanerat pillugu Great Greenland A/S-ip siulersuisui apeqquqarfigisimanerpaat?*

1)-imut tunngatillugu: Suliamut tassunga tunngatillugu naamik. Naalakkersuisoqarfilli EU kommissionip puisit amiinik eqqusseqqausiunnaarnissamik siunnersuutannut tunngatillugu tuniniaaneranut tunngatillugu apeqqutinik Great Greenland A/S ataviginnittarsimavoq akineqartarsimallunilu. Tamatuma saniatigut 2008-mi Nunat Avannarliit aalisarnermut ministeriisa ataatsimeersuarneranni pisortatiguunngitsumik Ruslandimiit saaffigineqarpunga kalaallit puisit amiutaannik pisinissamut soqutiginninneranik ersersitsisumik. Paasissutissaq taanna atorfilltat akornanni paasititseqatigiilluni ataatsimeeqatigiinnermi eqqaaneqarnikuuvoq, ilisimaneqarmat GG Rusland-imi Kina-milu niueqateqartartoq. Aammattaaq qaammatikkaartumik Siulersuisuniit paasisitseqatigiittarnissaq isumaqatigiissutaavoq. Aammattaaq Siulersuiniit qaammatikkaartumik nalunaarusiortoqartarnissaa isumaqatigiissutaavoq.

*2) Naalakkersuisut Great Greenland A/S-ip siulersuisuisa nutaanik taarsernissaat isumaliuutigaat?*

2)-mut tunngatillugu: Suliamut tassunga pineqartumut tunngatillugu naamik. Great Greenland A/S-imi siulersuisulli qaammammi majini ataatsimeersuartussaapput, tassungalu atatillugu siulersuisut katitigaanerat allanngortinneqarnissanersoq aalajangiisoqanngilaq. Siulersuisut katitigaanerat tassani allanngussagaluarpat suliasaq una sunniuteqartussaannigilaq.

Inussiarnersumik inuulluaqqusillunga

Finn Karlsen  
Aalisarnermut, Piniarnermut Nunalerinermullu Naalakkersuisoq

2009-32  
2. april 2009  
Postboks 269  
3900 Nuuk  
Oq/tel +299 34 50 00  
Fax +299 32 47 04  
apnn@gh.gl  
www.nanoq.gl